

蝟鳥綠 蝟音 抵突徒上音底 餐音鐵 貪音 耗好  
去音 踐音 賤音 履音 昔渠夷 伺相寺 滓側史 褊狹 狹上  
展反 夾反 訓音 酬音 輿許秋 闕頌 考考 掠二 略上  
榜音 笞上 步更 反音 擊音 臭處 下尺 與反 邪音 釋音  
賈下 亦云 滿嚴 飾女 也

菩薩瓔珞經卷第八

此号八卷 周一

姚秦涼州沙門竺佛念譯

有受品第二十四

是時勇進菩薩白佛言世尊今聞如來說甚深法諸賢聖律所入之門其有聞知了此法者亦不見著亦不見脫於空無法而無所損

不見諸法有所從來有所從去若善男子善女人深觀此法無所從來無所從去爾乃明達名為解脫一切諸法各各別異其所言見悉各離散無有合偶復於諸法不生想念而有所成亦復不念有解脫者所觀諸法亦不有內亦不有外亦無有遠亦無有近得慧善

陸深了本無其知是者去貢高心不生慢慳是為善男子善女人於諸善法而得解脫便得住於無生滅地其所住者不見有任復於諸法住無所任亦於諸法見無所見是謂善男子善女人正其性行不念非邪其作正見者便於內性觀了色相亦無有色亦不見色而有色也何以故知一切法觀空無形知其本空如色無有色於一切法亦不有受亦不無受是謂善男子善女人於一切法而得解脫是時勇進菩薩說此有受品時有十三億眾生聞此法已皆得不起柔順法忍異口同音各稱斯言今日勇進菩薩大士離於諸著亦使我等成辦此法我等仁者當以此法教授餘人如我無異悉得解脫畢無所著爾時世尊告勇進菩薩曰夫泥洹心亦不在內亦不在外亦復不在兩中間止有受菩薩無生滅處諸菩薩心道等無二亦無若干道心適等無若干者於一切人必有平等無二

之心是謂菩薩故名曰等而無差別是時座中有五百天子聞如來平等之法有受無受諸塵垢盡得法眼淨復有比丘比丘尼優婆塞優婆夷五百餘眾皆得須陀洹道復有無央數天龍鬼神軋沓愆阿須倫迦留羅真陀羅摩休勒人及非人志趣大乘者皆發無上平等道意

菩薩瓔珞經無著品第二十五

是時世尊告四部眾比丘比丘尼優婆塞優婆夷及諸菩薩摩訶薩天龍鬼神八部之眾若有菩薩摩訶薩欲速一切智欲上菩薩位欲得金剛三昧欲得降伏魔官屬者欲速一

周

二

義

切諸法門摠持者欲離此彼處者欲莊嚴佛樹者是善男子善女人當習如來無著之行復次善男子善女人欲得淨佛國上教化眾生從一佛國至一佛國承事禮敬諸佛世尊者當學如來無著之行若有善男子善女人欲得如來奇特之法甚尊重者若有眾生不

於三界受色陰形欲離五患不處五道如斯等善男子善女人常當修習如來無著之行佛復告善男子善女人吾般泥洹後正法漸衰多有眾生倚託法服貪小利養詐發道心虧損正法無清淨意如斯等人不信三寶聖賢之行雖在我眾離我甚遠若復善男子善

女人修習如來無著之行雖在凡夫未上菩薩位執心牢固不捨道意如斯等人正使處在億百千萬由延之外猶去我近何以故此善男子善女人修習如來無著行故

爾時有菩薩名曰明觀即從座起頭面禮足前白佛言世尊云何名為如來至真無著之

行唯願世尊一一分別令諸會者各得開解佛告明觀菩薩曰我今問汝汝當報我云何族姓子女何以故号明觀乎用色耶用痛想行識乎因身耶因名乎用何等故号明觀耶是時明觀菩薩白佛言世尊觀色非色亦非有色色性自空亦不有色我色彼色本無所

周

三

義

有色空本空色性自空諸法自然復無自然  
諸法熾然本無自然觀色無生亦不見生生  
自無生況當有色但為衆生癡心所潤不能  
自悟遂致苦惱墜墮生死流轉五道身死名  
滅便更受身如來大聖無所染著知所從來  
離諸縛著衆行根元悉歸於空痛想行識亦  
復如是觀識非識亦非有識識性自空亦不  
有識我識彼識本無所有識空本空識性自  
空諸法自然復無自然諸法熾然本無自然  
觀識無生亦不見生生自無生況當有識但  
為衆生癡心所潤不能自悟遂致苦惱墜墮  
生死流轉五道身死名滅復更受形如來大  
聖無所染著知所從來離諸縛著衆行根元  
悉歸於空無著衆行亦復如是自致無上正  
真道意何況善男子善女人聞則信解於佛  
法衆斯乃名曰無著之行  
是時明觀菩薩復白佛言若使善男子善女  
人聞如來無著之行便於是中發菩薩心雖

有是念亦不供養諸佛世尊斯於如來無著  
之行而有耗滅若復善男子善女人意欲懈  
怠不復堪樂修無著行能自剋責念無著行  
一念之頃而不忘失便得發無上至真道意  
何況篤信而奉行乎若善男子善女人得如  
來金剛三昧發弘誓心不可沮壞斯皆由如  
來無著聖行而得成就若復善男子善女人  
得三昧王三昧名曰奮迅勇若菩薩摩訶薩  
得此三昧者便能降伏諸魔官屬此善男子  
善女人皆由無著聖行而有成辦若復善男  
子善女人得信空法無量聖行修四意止念  
念成就分別內外空寂無形斯皆出於如來  
無著聖賢之行若善男子善女人得四神足  
心識自由坐卧經行而無罣礙遊至十方無  
量世界禮事供養諸佛世尊斯亦復是如來  
無著聖賢之行若善男子善女人及菩薩摩  
訶薩獲四意斷至十八法三十七品莊嚴佛  
土成衆相好八種音聲過乎梵天其有衆生

問一

四

朱

聞佛音響得解脫者斯亦復是如來無著聖賢之行若得善男子善女人一一思惟空無相願不復染著與是非想緣此三觀當成無上正真道意斯亦復是如來無著聖賢之行若有善男子善女人從無數諸佛世尊受菩薩蒞當成無上正真道意畢志牢固終不中

退亦不為眾魔所能沮壞斯亦復是如來無著聖賢之行爾時明觀菩薩說是如來無著聖賢行時有八十四億眾生之類願樂欲求如來無著聖賢之行復有無數之眾求於親近明觀菩薩以為師宗復有無量眾生各生斯念今日明觀菩薩摩訶薩久如當成無上正真道意

爾時世尊知眾會心各生此念便告明觀菩薩曰汝今以能宣暢如來無著之行如來聖慧不可窮盡却後無數阿僧祇劫上方去此五十江河沙數諸佛刹土佛名無垢如來至真等正覺純有一乘教化眾生不聞緣覺弟

子之名汝當作佛号曰明觀如來至真等正覺明行成為善逝世間解無上士道法御天人師号佛世尊汝當作佛其号如是爾時眾會一切眾生見如來授明觀菩薩決或有眾生有覺知者不覺知者

爾時世尊觀察人心各懷狐疑佛知其意便周一

告明觀菩薩曰如來至真等正覺在大眾中授菩薩決有覺知者不覺知者有八因緣云何為八善男子善女人得如來決當成無上平等正覺一切眾人無能知者是謂如來授眾生理已身自覺餘人不知復次明觀若有善男子善女人在大眾中為如來所見授決

餘人盡見己不覺知是謂如來授眾生理餘人盡見己不覺知復次明觀菩薩摩訶薩若有善男子善女人為諸佛世尊所見授決汝當成佛其号如是已知受決餘人亦見是謂如來授眾生理已自覺知餘人亦見復次明觀菩薩摩訶薩若有善男子善女人在大眾

中爲如來所見授決自不覺知餘人亦不知是謂如來授衆生決自不覺知餘人亦不知佛復告明觀菩薩若有善男子善女人在大衆中受如來決然此受決之人乃在末行不近如來近如來者自謂受我決是謂如來授衆生決遠者覺知近者不覺復次明觀菩薩摩訶薩若有善男子善女人在大衆中爲如來所見授決近如來者復自覺知今日如來而授我決遠如來者復自稱說如來今日授我等決爲此衆生未應受決是謂如來授衆生決近者覺知遠者不覺佛復告明觀菩薩摩訶薩若有善男子善女人爲諸佛世尊所見授決當成佛時其号如是近者不覺遠亦不知是謂如來授衆生決遠近衆生皆不覺知佛復告明觀菩薩若有善男子善女人在大衆中爲如來所見授決近者亦覺遠者亦知餘人不見是謂如來八因緣法授衆生決近者亦覺遠者亦知餘人

不見爾時世尊告四部衆比丘比丘尼優婆塞優婆夷菩薩摩訶薩天龍鬼神乾沓耆阿須倫迦留羅真陀羅魔休勒人及非人汝等頗見明觀菩薩受記荊乎對曰非也世尊佛復告族姓子若有菩薩摩訶薩受如來決初發道

不見爾時世尊告四部衆比丘比丘尼優婆塞優婆夷菩薩摩訶薩天龍鬼神乾沓耆阿須倫迦留羅真陀羅魔休勒人及非人汝等頗見明觀菩薩受記荊乎對曰非也世尊佛復告族姓子若有菩薩摩訶薩受如來決初發道

問一

六

朱

心受荊不同今此明觀菩薩受如來決已自覺知餘人不覺如此等人未獲如來四無所畏發心自誓未廣及衆生亦復未得善權方便是故受決已自覺知餘者不覺佛復告族姓子若有善男子善女人受如來決衆人盡見自不覺知如此等人發意弘普廣及衆生得四無畏發心曠大有善權方便教化衆生是故受決餘者盡覺已不自知佛復告族姓子若有善男子善女人受如來決已身自知餘者亦見如此等人在七住地分別空觀不計衆生有染著想初發道心不生此念我後成佛度衆所衆生不度衆所衆生心如虛空

不可沮壞以獲如來四無所畏得空觀三昧善權方便是故受決已身自知餘者亦見佛復告族姓子若有善男子善女人受如來決已身不覺餘者不知如斯等人未在三任不退轉地雖有善權方便信樂三尊供養承事諸佛世尊然未得如來無著之行未能淨佛

國土教化衆生是故受決自不覺知餘者不見佛復告族姓子若善男子善女人受如來決遠者得決近者不得如此等人彌勒身是何以故此善男子善女人諸根具足不捨如來無著之行是故受決遠者自覺近者不知佛復告族姓子若善男子善女人受如來決

問一

七

朱

近者覺知遠者不見亦非衆會所能測度如此等人在菩薩位未能演說賢聖之行今師子膺菩薩是也衆相具足不捨法本於無想法中不壞法性是故受決近者覺知遠者不見亦非衆會所能測度佛復告族姓子若善男子善女人如來授決近者亦知遠者亦見

如此等人衆行具足行不思議無量佛事超生死海漸至無爲岸何以故此善男子善女人諸根具足不捨如來無著之行遍遊十方無量世界作不思議顯佛神德今柔順菩薩是也是故近者亦知遠者亦見佛復告族姓子若善男子善女人受如來決近者不知遠

者不見如此等人衆行未具未得善權方便雖復去離五欲之中未能備悉如來法藏今等行菩薩是也佛復告族姓子若有菩薩摩訶薩奉持修習八因緣法我今視之如已無異亦爲十方諸佛世尊所見擁護

爾時釋提桓因即從座起前至佛所頭面禮足在一面立須臾之頃前至佛所長跪叉手白佛言世尊我名拘翼号天帝釋唯願世尊聽所啓白佛言善哉善哉拘翼有所疑難今正是時釋提桓因白佛言世尊若有善男子善女人與顯如來無著之行具足授決八因緣法我等諸天當護此善男子善女人至竟

成就終不中退隨於羅漢辟支佛道爾時釋  
提桓因即於佛前而歎頌曰  
本無無所著 永離諸惡趣  
授決有高下 昔從無數劫  
積功累眾德 一切眾相具  
無生滅著斷 尊今已授決  
論說高下相

得定不起忍 生滅無所有  
名号不真實 知本所從來  
演說三達智 從限至無限  
縛解諸結盡 願尊見記剎  
爾時世尊以偈報釋提桓因曰  
汝今天帝釋 功德眾行至  
乃從無數世

積德光明尊 今為天帝身  
三十六成敗 不捨本要誓  
無復賢劫名 中間永曠絕  
後乃有佛出 十力無所畏  
刹土名普忍 彼佛極長壽  
教化已周訖 永寂取滅度  
遺法在世化

亦復經七劫 漸漸法沒盡 不聞三尊名  
中間復迫絕 當復經五劫 汝於彼刹土  
當紹如來位 我今授汝決 本無如來印  
号名無著尊 三界最第一 獨步無等侶  
說法無窮盡 當化阿僧祇 無量眾生類  
爾時釋提桓因聞如來已見授決頭面禮足

遶佛三匝還復故座是時弊魔波旬心自念  
言今日如來至真等正覺教化眾生轉無上  
法輪以善權方便將導一切諸不及者眾菩  
薩等神通大智皆得授決不退轉地此賢聖  
等我則不疑今釋提桓因在我部界為我所  
使先為如來所見授決如我今日心離魔行

不在榮冀愛欲之中何故如來不授我決爾  
時世尊知魔波旬心中所念便告目犍連汝  
能堪任於如來前說諸菩薩摩訶薩受記剎  
乎是時目連承佛威神即從座起前白佛言  
我能堪任說菩薩摩訶薩受決之法佛告目  
連堪任說者今正是時目連白佛言若有善

薩摩訶薩於諸空法生深著心便自貢高輕  
 憍前學如此等善男子善女人在凡夫地不  
 應稱為菩薩不應受法得如來号目連復白  
 佛言若有善男子善女人見人受法便生增  
 上心我今豪貴斯人卑賤如此等善男子善  
 女人在凡夫地不應稱為菩薩不應受法得  
 如來号目連復白佛言若善男子善女人得  
 佛明慧分別三觀空無相願便為如來所見  
 授法然有衆生見此人受法便生憎嫉心如  
 來何為先授此法如此等善男子善女人在  
 凡夫地不當稱為菩薩不應受法得如來号  
 是時目連復白佛言若有善男子善女人得  
 佛神足四無所畏遊諸空界轉於法輪善權  
 方便無所罣礙於演法教皆有所益便為如  
 來所見授法然有衆生得世俗智辯才第一  
 知古明今三世通達內自思惟而生此念我  
 所包攬無事不貫如來何為不授我法今乃  
 反更授此人法如此等善男子善女人在凡

夫地不應稱為菩薩不應受法得如來号目  
 連復白佛言若有善男子善女人得無生法  
 忍四等具足遊至十方無量世界本從此佛  
 而發道心更從異佛受其記莖然有衆生內  
 自生念此非我衆非我徒類如來何為先授  
 此法不授我莖如此等善男子善女人在凡  
 夫地不應稱為菩薩不應受法得如來号目  
 連復白佛言若有善男子善女人轉無上法  
 輪六通變化無所觸礙權詐巧便攝取衆生  
 此菩薩摩訶薩便為如來所見授法復有衆  
 生在三毒等分愛心未盡未能適化承事諸  
 佛內自狐疑而生此念今觀此人如有所辦  
 為是如來威力所感為此善男子審有此化  
 於彼此中生猶豫想如此等善男子善女人  
 在凡夫地不應稱為菩薩不應受法得如來  
 号是時目連復白佛言世尊若有善男子善  
 女人生在龍中發菩薩心衆行具足無所缺  
 漏便為如來所見授法或有衆生內自思惟

問一

十

朱

我得人身諸根具足明達正法六情完具如來何爲不授我決今乃反更授此龍決如此等善男子善女人在凡夫地不應稱爲菩薩不應受決得如來号是時目連復白佛言若有善男子善女人已得天身發菩薩心斷諸縛著無所戀慕捨已榮位遠離五樂閉塞六情修清淨法離世八法不墮十惡爲如來所見授決然有衆生內自生念今觀此天衆行未足未捨此形復於人身何爲如來而授此決不授我荊如此等善男子善女人在凡夫地不應稱爲菩薩不應授決得如來号是時目連復白佛言或有衆生受地獄形以佛神力往授其決如我昔日爲佛所遣授提婆達兜決然有衆生內自生念受地獄形苦痛無量鑊湯燒煮死而更生刀山劒樹爐炭鐵輪火車熾風銅柱碓臼於中受苦痛毒無量當尔之時何有道心如來今日反更授決得如來号然我等已復人身不授我決如此等善

男子善女人在凡夫地不應稱爲菩薩不應受決得如來号是時復白佛言若有善男子善女人生餓鬼中受餓鬼形善見菩薩父像舍利弗祖善施長者母受形苦惱腹如太山咽如細鍼咽長千丈而有千萬一鬲千節雖得漿水化爲膿血眼如深谷如千丈崖然受

周一

十一

朱

苦痛不可稱量爲飢火所燒求死不得然佛出世尊以大慈悲即遣舍利弗各授其決令發道心然有衆生內自生念餓鬼苦惱無量飢寒苦毒不可稱計然今如來反授彼決不授我決如此等善男子善女人在凡夫地不應稱爲菩薩不應受決得如來号爾時世尊告目連曰善哉善哉族姓子堪任宣暢菩薩受決無礙之行真佛之子非思欲生爾時弊魔波旬內自生念咄我所行將不謬乎今聞尊者大目犍連所說不爲諸人正爲我耳是時波旬即從座起除去貢高捨憍慢心前至佛所頭面禮足前白佛言世尊我今愚惑久處

邪見未識真道今釋提桓因為我所統如來今日先授其決我即興意生是非心唯願世尊受我悔過消滅欲本不著榮冀佛告弊魔波旬汝今座上見彌勒菩薩不乎波旬白佛唯然世尊佛告波旬此彌勒菩薩當授汝決得菩薩号

菩薩瓔珞經淨智除垢品第二十六

東方去此三十七江河沙數有佛土名曰華嚴佛名一意如來至真等正覺明行成爲善逝世間解無上士道法御天人師号佛世尊彼佛如來遣一菩薩名曰淨一切地具衆行本定意不亂三昧正受無所罣礙佛所住處皆悉履行不染法界去吾我想即從座起偏露右臂右膝著地長跪叉手前白佛言欲有所問若見聽者敢有所陳佛言善哉善哉族姓子欲問如來所懷疑者今正是時淨一切地菩薩白佛言世尊云何善男子善女人供養諸佛無諸佛想於諸法本亦復如是雖度

衆生無衆生念行菩薩道不失本意具足諸願德行充滿受決心淨不離明慧

爾時世尊告淨一切地菩薩曰若有善男子善女人分別思惟大乘行本不可思議深奧之藏先當習學定意正受無亂想行然後乃具六度無極自觀身空觀他人亦復如是

問一

十二

朱

若善男子善女人入等定三昧心不動轉悉能分別一切衆行云何善男子善女人入定三昧於一切法思惟分別無有錯謬於是族姓子若有菩薩摩訶薩立根得力速不退轉便能入定自觀身本本所從來一一分別悉知起滅來不知所從來去不知所從去此善

男子善女人從定意起復入外身定意一一分別衆生之類復見無量諸佛刹土有受形者不受形者或時善男子善女人復更入定觀內外身彼身我身發趣有異身行共同如我所觀趣大乘者不捨衆生求緣覺者亦不求清淨於佛土弟子學者承聲受教離於三

有是謂內外觀定身行共同發趣有異佛復告淨一切地曰若有善男子善女人入此等定正受三昧悉使無量世界盡從教化從化得度隨意所樂恣其心意遊於百千三昧於中攝意而不錯亂是謂善男子善女人趣大乘者不捨衆生佛復告淨一切地菩薩若有

善男子善女人入一身定便能觀察衆生心本有婬怒癡無婬怒癡隨其本行而度脫之此善男子善女人從一身定起復入衆多身定觀衆生類有婬怒癡無婬怒癡隨其本行而度脫之爾時世尊復告淨一切地菩薩若有善男子善女人入無形觀三昧遍觀衆生

周

十一

朱

心識所念衆生若干所念不同復有三昧名觀衆生心菩薩摩訶薩得此定意者便能觀察人道衆生心識所念遍知十方無量世界有婬怒癡無婬怒癡隨其本行而度脫之佛復告族姓言復有定意知閻叉心菩薩摩訶薩得此三昧者遍觀閻叉心識所念有婬怒

癡無婬怒癡隨其本行而度脫之佛復告淨一切地菩薩曰復有定意知諸龍心菩薩得此定意者便能觀察龍道衆生心識所念遍知十方無量世界有婬怒癡無婬怒癡隨其本行而度脫之佛復告淨一切地曰復有定意知阿須倫心菩薩摩訶薩得此定意者便

能觀察阿須倫道衆生心識所念遍觀十方無量世界有婬怒癡無婬怒癡隨其本行而度脫之佛復告族姓子復有定意知諸天心菩薩得此定意者便能觀察天道衆生心識所念遍知十方無量世界有婬怒癡無婬怒癡隨其本行而度脫之佛復告族姓子復有定意知梵天心菩薩摩訶薩得此定意便能觀察淨志天心識所念遍知十方無量世界有婬怒癡無婬怒癡隨其本行而度脫之佛復告族姓子復有定意知欲界衆生心菩薩摩訶薩得此定意便能觀察欲界衆生心識所念遍知十方無量世界有婬怒癡無婬怒

癡隨其本行而度脫之佛復告族姓子復有定意知地獄衆生心菩薩摩訶薩得此定意者便能觀察地獄衆生心識所念遍觀十方無量世界有姪怒癡無姪怒癡隨其本行而度脫之佛復告族姓子復有定意知弗于逮衆生心菩薩摩訶薩得此定意者便能觀察

弗于逮衆生心識所念遍知十方無量世界有姪怒癡無姪怒癡隨其本行而度脫之佛復告淨一切地菩薩曰復有定意知閻浮地衆生心菩薩摩訶薩得此定意者便能觀察閻浮地衆生心識所念遍知十方無量世界有姪怒癡無姪怒癡隨其本行而度脫之佛

周一

十四

復告淨一切地菩薩曰復有定意知瞿耶尼衆生心菩薩得此定意者便能觀察瞿耶尼衆生心意遍知十方無量世界有姪怒癡無姪怒癡隨其本行而度脫之佛告淨一切地菩薩曰復有定意知鬱單越衆生心中所念菩薩得此定意便能觀察鬱單越衆生心遍

知十方無量世界有姪怒癡無姪怒癡隨其本行而度脫之佛復告淨一切地菩薩曰復有定意知一四天下衆生心中所念菩薩得此定意者便能觀察一四天下衆生心中所念遍知十方無量世界有姪怒癡無姪怒癡隨其本行而度脫之佛復告淨一切地菩薩

曰復有定意知二四天下衆生心中所念菩薩得此定意者便能觀察二四天下衆生心中所念遍知十方無量世界有姪怒癡無姪怒癡隨其本行而度脫之佛復告淨一切地菩薩曰復有定意知三四天下衆生心中所念菩薩得此定意者便能觀察三四天下衆生心中所念遍知十方無量世界有姪怒癡無姪怒癡隨其本行而度脫之佛復告淨一切地菩薩曰復有定意知四四天下衆生心中所念菩薩得此定意者便能觀察四四天下衆生心中所念遍知十方無量世界有姪怒癡無姪怒癡隨其本行而度脫之佛復告

周一

十五

淨一切地菩薩曰復有定意知五天下衆生心中所念菩薩得此定意者便能觀察五四天下衆生心中所念遍知十方無量世界有姪怒癡無姪怒癡隨其本行而度脫之佛復告淨一切地菩薩曰復有定意知六四天下衆生心中所念菩薩得此定意者便能觀

察六四天下衆生心中所念遍知十方無量世界有姪怒癡無姪怒癡隨其本行而度脫之佛復告淨一切地菩薩曰復有定意知七四天下衆生心中所念菩薩得此定意者便能觀察七四天下衆生心中所念遍知十方無量世界有姪怒癡無姪怒癡隨其本行而度脫之佛復告淨一切地菩薩曰復有定意知八四天下衆生心中所念菩薩得此定意者便能觀察八四天下衆生心中所念遍知十方無量世界有姪怒癡無姪怒癡隨其本行而度脫之佛復告淨一切地菩薩曰復有定意知九四天下衆生心中所念菩薩得此

定意者便能觀察九四天下衆生心中所念遍觀十方無量世界有姪怒癡無姪怒癡隨其本行而度脫之佛復告淨一切地菩薩曰復有定意知十四天下衆生心中所念菩薩得此定意者便能觀察十四天下衆生心中所念遍知十方無量世界有姪怒癡無姪怒

癡隨其本行而度脫之佛復告淨一切地菩薩曰復有定意知百四天下衆生心中所念菩薩得此定意便能觀察百四天下衆生心中所念遍觀十方無量世界有姪怒癡無姪怒癡隨其本行而度脫之佛復告淨一切地菩薩曰復有定意知千四天下衆生心中所念菩薩得此定意者便能觀察千四天下衆生心中所念遍觀十方無量世界有姪怒癡無姪怒癡隨其本行而度脫之佛復告淨一切地菩薩曰復有定意知萬四天下衆生心中所念菩薩得此定意者便能觀察萬四天下衆生心中所念遍觀十方無量世界有姪

周

十六

怒癡無婬怒癡隨其本行而度脫之佛復告  
 淨一切地菩薩曰復有定意知億萬四天下  
 衆生心中所念菩薩得此定意者便能觀察  
 億萬四天下衆生心中所念遍知十方無量  
 世界有婬怒癡無婬怒癡隨其本行而度脫  
 之佛復告淨一切地菩薩曰復有定意知一

佛國衆生心中所念菩薩得此定意者便能  
 觀察知一佛境界衆生心中所念遍知十方  
 無量世界有婬怒癡無婬怒癡隨其本行而  
 度脫之佛復告淨一切地菩薩曰復有定意  
 知十佛刹土衆生心中所念菩薩得此定意  
 者便能觀察十佛刹土衆生心中所念遍觀  
 十方無量世界有婬怒癡無婬怒癡隨其本  
 行而度脫之佛復告淨一切地菩薩曰復有  
 定意知百佛刹土衆生心中所念菩薩得此  
 定意者便能觀察百佛刹土衆生心中所念  
 遍觀十方無量世界有婬怒癡無婬怒癡隨  
 其本行而度脫之佛復告淨一切地菩薩曰

復有定意知萬佛刹土衆生心中所念菩薩  
 得此定意者便能觀察萬佛刹土衆生心中  
 所念遍觀十方無量世界有婬怒癡無婬怒  
 癡隨其本行而度脫之佛復告淨一切地菩  
 薩曰復有定意知億佛刹土衆生心中所念  
 菩薩得此定意者便能觀察億佛刹土衆生

周

十七

心中所念遍觀十方無量世界有婬怒癡無  
 婬怒癡隨其本行而度脫之如是菩薩摩訶  
 薩於此定意盡得具足諸三昧王佛復告淨  
 一切地菩薩曰若有善男子善女人奉持修  
 習此法門者便獲如來衆相具足爾時世尊  
 告淨一切地菩薩曰若有善男子善女人得

此三昧定意者有善權方便教化衆生復有  
 十事得功德業何為十一者口氣清淨人多  
 信用二者不失本意不譏彼受三者善明筭  
 數知六十四變四者分別空無形相法五者  
 知當來法解脫無緣六者於現在法念成證  
 法七者憶過去行知已無相八者於無相法

本無自然九者起滅自然不著三世十者菩薩定意不失次第是謂菩薩摩訶薩入定三昧便能觀察億佛刹土衆生心中所念有婬怒癡無婬怒癡隨其本行而度脫之

菩薩瓔珞經無斷品第二十七

佛復告等行菩薩若有善男子善女人從初發意發菩薩心修行五法不懷怯弱云何五法一者勸進前人不捨道心二者分別法界不毀法性三者一意清淨無他異想四者行權方便度未度者五者得三十二業定意不亂是謂等行菩薩摩訶薩從初發意守菩薩心修此五法不捨道意佛復告等行菩薩曰

若有善男子善女人初發道心復有五事云何爲五一者分別三世不離空無二者淨已國土育養衆生三者分別眼識不受外入四者神足神通念則在前五者現在衆智而自瓔珞是謂等行菩薩摩訶薩從初發意修此五法而得成就無有疑難進前成佛不懷怯

弱佛復告等行菩薩若有善男子善女人發菩薩心當行五法而自瓔珞云何爲五於是族姓子若菩薩初發道心入等定意能令十方天下盡爲七寶二者使已國土衆生斷婬怒癡三者已成佛時修三空慧四者莊嚴一相不離慧根五者行六神通不自稱記是謂善

四一

六

男子善女人從初發意行菩薩道行此五法而自瓔珞佛復告等行菩薩若有善男子善女人從初發意行菩薩道復有五法云何爲五一者思惟如來無形相法二者諸佛要誓不違本性三者自識本命知所從來四者不計我人壽命離五苦難五者法本自亦不見起滅是謂善男子善女人修此五法而自瓔珞佛復告等行菩薩若有善男子善女人從初發意行菩薩道當行五法不可思議云何爲五一者諸佛神德不可思議二者諸佛隱藏不可思議三者行業受報不可思議四者諸佛刹土不可思議五者演布道教不可思

議是謂善男子善女人初發道心修此五行不可思議乃至成佛而自瓔珞爾時世尊在於大眾而說此偈

諸佛不思議 宣暢道亦然 思惟衆生本  
本末不可觀 執四聖諦炬 照彼無明根  
常想無有常 念除結縛病 劫數無有窮

無盡非有盡 但為衆生惑 欲知本無心  
夫欲學在先 聞受深奧法 亦非二乘行  
所能思測度 佛本自計誓 蠲除五道淵  
行盡由等心 故号人中尊 佛慧無邊崖  
神智無有量 不以身苦本 永除三世難  
諸佛瓔珞法 自覺無師授 心定如虛空

常想樂想緣 吾從無數劫 入定不離空  
一意成一道 故号人中尊 復於無數劫  
承事諸世尊 盡生逮無著 自致最正覺  
諸佛在世化 正法修道樂 能淨諸佛國  
不染三有樂  
爾時世尊說此偈已復告等行菩薩若有善

男子善女人奉持修習五不思議深奧法者十方諸佛悉來擁護不為衆魔所能得便佛復告等行菩薩若善男子善女人從初發意行菩薩心當行五法不可思議云何為五一者以已定意遍施衆生盡在佛處而不退轉二者不猗三道而受果證三者無量法海皆

現在前四者衆相法門具足智辯五者分身教化得六度慧是謂族姓子從初發意行菩薩心行此五法不可思議便能具足如來衆行佛復告等行菩薩若有善男子善女人思惟分別五苦法本云何為五一者分別色源不生識著二者思百八痛無有苦樂三者永

斷衆想不興亂意四者解十二因緣本無此行万者識神無形不可究盡是謂等行菩薩若善男子善女人分別思惟五苦法本者親近佛藏不離賢聖衆道之源佛復告等行菩薩若善男子善女人從初發意修菩薩心復有五法不可窮盡云何為五一者無數功勳

不可窮盡二者八十四智不可窮盡三者如來法慧不可窮盡四者諸法要定不可窮盡五者八種音響不可窮盡是謂等行菩薩若善男子善女人從初發意修菩薩心修此五法不可窮盡便能具足如來之法爾時世尊復告等行菩薩若有善男子善女人從初發

周一

二十

朱

除去亂想不生二見或有眾生永在闇冥懷愚惑心以權方便攝彼眾生令見慧明佛復告等行菩薩若有善男子善女人從初發意修菩薩心於一度中便當具足六度無極云何於一度中便能具足六度無極或有眾生一心持戒不毀戒性於持戒中具足布施不

譏彼受常行忍辱若有眾生見毀辱者不興亂想無瞋恚心日夜精勤無懈怠心雖持禁戒定意不亂於戒性中不毀於禪演布智慧除愚闇心是謂菩薩在戒度無極便能具足六度無極佛復告等行菩薩若有善男子善女人從初發意修菩薩心得忍度無極降伏

心意不念貢高於忍度無極復當具足六度之法不捨忍心而行布施雖有所施不起想著於中具足戒性之法若人擊打不起亂想自攝心意具足修習忍度無極具足定意不毀禪法於忍度中具足禪行若復善男子善女人已得忍度分別五陰成敗所起思惟三

周一

廿一

義

滅定心不亂而行布施不見衆生及以財寶亦不生心今我所施後獲大報莊嚴佛土本無清淨便能具足智度無極佛復告等行菩薩若有善男子善女人從初發意修菩薩心於智度無極具足六度云何善男子善女人於智度無極具足六度於是善男子善女人已能修習智度無極分別無想無他異行一分別名身句身攝意持戒不毀戒性若人毀辱不懷憂感是謂於智具足戒性若復善男子善女人於智度無極修行忍辱心如虛空不受穢惡是謂於智度無極得忍辱心佛復告等行菩薩若善男子善女人得智度無極攝意精進去懈慢心分別眼界不可思議見懈怠者勸令精進是謂於智度無極具足精進佛復告等行菩薩若有善男子善女人得智度無極分別禪定心不散一意一念經百千劫攝意自伏於三十六度皆悉分別是謂等行菩薩摩訶薩衆行根源爾時世尊

與等行菩薩說是語時有無量衆生本發心趣於緣覺今皆迴意發於無上正真之道復有無數諸天世人得盡信之行不離大乘菩薩瓔珞經賢聖集品第二十八

爾時審諦菩薩即從座起白佛言世尊我亦堪任宣暢六度清淨之行佛告審諦菩薩若堪任者於如來前便可說之

爾時審諦菩薩白佛言世尊若有菩薩摩訶薩修習六度清淨之法兼修八關諸佛禁法此善男子善女人於六度法具足清淨之行淨意菩薩白佛言若有善男子善女人欲禮十方諸佛世尊承受正教修習奉行如此等善男子善女人於六度法清淨具足

那羅延菩薩前白佛言若有善男子善女人斷諸結使不生染汙於六度法清淨具足淨法界菩薩白佛言若有善男子善女人解自然法性不毀道門於六度法清淨具足善解幻菩薩白佛言若有善男子善女人分

用一

廿二

別八法除去榮辱於六度法清淨具足  
過量菩薩白佛言若有善男子善女人在大  
衆中轉無上法輪攝身口意無他異念於六  
度法清淨具足  
法藏菩薩白佛言解四空定無我人想思惟  
法界不毀智本是謂六度清淨具足

心淨菩薩白佛言若有善男子善女人攝眼  
根本不興識想耳鼻身口意亦復如是於六  
度清淨具足

師子大將白佛言衆生沉翳永處闇冥布現  
慧光使知道趣於六度法清淨具足  
時有菩薩名曰慧眼問文殊師利云何菩薩

摩訶薩攝身口意不毀戒性於六度清淨具  
足是時文殊師利報慧眼菩薩諸菩薩摩訶  
薩解空無我施無想報於六度法清淨具足  
慧眼菩薩又問云何族姓子如來色身衆德  
具足三十二相八十種好身黃金色猶如金  
積爲是有想報耶無想報乎文殊師利報慧

眼菩薩曰如來色身是有想報如來法身是  
無想報慧眼菩薩又問施去貪求內心清淨  
除去想著乃獲大果六度之法非無想報云  
何乃成法身之報時文殊師利報慧眼菩薩  
曰云何族姓子如來色身為有耶爲無乎慧  
眼菩薩報曰如族姓子所說如來色身是有

問一

北三

朱

報非無報如我觀察如來身者亦非有報亦  
非無報時文殊師利復問云何如來色身亦  
非有報亦非無報慧眼答文殊師利曰如來  
身者衆功德具妙色莊嚴視無厭足其見形  
者皆發無上正真道意是謂色身之報云何  
如來色身無報於是族姓子如來在卅教化  
終訖潛神無爲終無變易一相無形不可沮  
壞是謂如來色身無報爾時文殊師利復問  
慧眼菩薩曰云何族姓子如來形相不可思  
議以有形而無報以無形而無報慧眼報曰  
如來身者或有形而無報或無形而無報云  
何有形而無報如來至真等正覺在卅教化

無量衆生皆得果證獲無爲道是謂如來色  
 身有形而無報云何無形而無報於是如來  
 色身在世教化現神足變終訖說法於無餘  
 泥洹界而取般泥洹是謂如來色身無形而  
 無報尔時文殊師利知諸衆生心中所念各  
 有狐疑未能暢達有報無報復問慧眼菩薩

曰云何族姓子如來色身如幻如化云何於  
 幻化法中而有無報一切衆生得法性如道  
 果清淨若眼界所攝云何於衆生道性而得  
 無報又問慧眼如來色身不可思議終訖說  
 法寂然滅度無生老病死已捨色身不復受  
 形一相無相亦不可見權設假号亦無真實

如來者亦無如來亦無佛云何以無爲道是  
 如來色身無報文殊師利又問云何族姓子  
 如來色身無爲報泥洹無爲報是一異乎假  
 使是一者亦無如來云何有無報設有二無  
 者則如來色身非泥洹報尔時慧眼菩薩報  
 文殊師利曰本無如來至真等正覺四大色

身於現法中亦是有報亦是無報滅盡涅槃  
 是曰無報尔時慧眼菩薩復報文殊師利衆  
 生所行六度無極若人布施亦無施想亦復  
 不見有受施者是謂爲施具是施度無極若  
 復有人戒身具足不毀於戒亦不見有持戒  
 者是謂於戒具足戒度無極慧眼菩薩復語

問一

九四

文殊師利若有善男子善女人恒修忍辱有  
 輕慢者不生憍慢亦不自念見有忍辱是謂  
 具足忍度無極若有善男子善女人勤加精  
 進修十六聖行不見有人勤精進者是謂具  
 足進度無極慧眼菩薩復語文殊師利若有  
 善男子善女人攝意入定分別三觀亦不見

人立定意者心遊十方無量世界承事供養  
 觀一切法如幻如化是謂具足禪度無極慧  
 眼菩薩復語文殊師利若有善男子善女人宣  
 暢如來無量法界眼識清淨不可思議一一  
 分別悉無所有若耳聞聲知所從來鼻嗅彼  
 香知所從來一一分別而無所有若舌嘗味

知所從來如來心識分別諸法神足無量是謂具足智度無極

慧眼菩薩復語文殊師利復有定意名無盡法門菩薩摩訶薩得此無盡法門者超越三乘成菩薩号復有觀察法門菩薩摩訶薩得此法門者觀察法界不住二地復有色像法

門菩薩得此法門者成如來法無盡之藏復有不退轉法門菩薩得此法門者持清淨法不見色像復有廣濟法門菩薩得此法門者化彼衆生不自爲己復有佛音響法門菩薩得此法門者雨法甘露潤澤一切復有諸佛境界法門菩薩得此法門者現說微妙真如

周

法

義

性法復有現教法門菩薩得此法門者莊嚴刹土翼從成就復有無等法門菩薩得此法門者分別如來深奧之義復有法要法門菩薩得此法門者宣暢如來不思議法復有善根法門菩薩得此法門者分別諸根永離五道復有幻化法門菩薩得此法門者分別無

盡曠大之法復有攝行法門菩薩得此法門者分別句義無形像法復有稱可法門菩薩得此法門者便能充飽虛想法者復有一意法門菩薩得此法門者善根淳熟得四無畏復有法海法門菩薩得此法門者善業具足不捨道性復有光燄法門菩薩得此法門者

普現光燄演法無盡復有神足法門菩薩得此法門者廣遊諸界不染三道復有日月光明法門菩薩得此法門者遍照苦惱拔濟得度復有無生法門菩薩得此法門者方便導化應自然律復有無極之慧法門菩薩得此法門者超三界患不見有度復有智生法門菩薩得此法門者盡知諸法所歸趣處復有無著法門菩薩得此法門者以智慧光燭除闇冥復有根源法門菩薩得此法門者分別四法不思議行復有因緣法門菩薩得此法門者分別十二癡行之本復有道慧法門菩薩得此法門者不闕法性如來三等復有忍

智法門菩薩得此法門者坐樹王下降伏魔  
 官復有弘誓法門菩薩得此法門者不捨眾  
 生而取滅度復有苦行法門菩薩得此法門  
 者現食麻米諸行具足復有獨步法門菩薩  
 得此法門者自現奇特無與等者復有心淨  
 法門菩薩得此法門者獨除心垢無所染著

復有究竟法門菩薩得此法門者皆使眾生  
 入出要道復有無欲法門菩薩得此法門者  
 除去貪著無染著心復有法處法門菩薩得  
 此法門者愍哀一切不捨本願復有道業法  
 門菩薩得此法門者分別諸根立上人法復  
 有心不轉法門菩薩得此法門者發道心者

四一

卅六

朱

立不退轉復有法藏法門菩薩得此法門者  
 道慧清淨受慧果證復有化導法門菩薩得  
 此法門者發無生心不見動還復有法瓔珞  
 法門菩薩得此法門者莊嚴國土清淨眾生  
 復有深奧法門菩薩得此法門者深入法藏  
 具七覺意復有無畏法門菩薩得此法門者

安處諸法說賢聖行復有除垢法門菩薩得  
 此法門者安處諸法無所染著復有淨行法  
 門菩薩得此法門者分別三向空無相願復  
 有法身法門菩薩得此法門者分別一切無  
 著空行復有法力法門菩薩得此法門者無  
 量空界獲大智慧復有無礙法門菩薩得此

法門者敷演道教無所罣礙復有大慈法門  
 菩薩得此法門者潤及一切不捨妄想復有  
 大悲法門菩薩得此門者拔濟苦難不生塵  
 勞復有喜心法門菩薩得此法門者獨除一  
 切懷忿怒心復有護心法門菩薩得此法門  
 者分別四諦不二之法復有廣施法門菩薩

得此法門者除去三想不計吾我復有神通  
 法門菩薩得此法門者遍遊十方無量世界  
 復有無盡法門菩薩得此法門者分別義趣  
 修三句法復有演暢法門菩薩得此法門者  
 功德具足懷來道故復有清淨法門菩薩得  
 此法門者淨除口過不與十惡復有十力法

四一

卅七

朱

門菩薩得此法門者執金剛心不可沮壞復有無量善根法門菩薩得此法門者便能具足如來神力復有如來行滅法門菩薩得此法門者不起吾我人壽命復有息意法門菩薩得此法門者永斷生老病死之苦復有增益法門菩薩得此法門者諸善功德日日增長復有歡喜法門菩薩得此法門者充飽一切渴仰道者復有無怒法門菩薩得此法門者除心緣著無顛倒想復有希望法門菩薩得此法門者成就衆生三法本行復有無念法門菩薩得此法門者盡使衆生無三毒念復有法義法門菩薩得此法門者出生諸法不失次序復有遠疾法門菩薩得此法門者分別根元成道而行復有思惟法門菩薩得此法門者分別內外觀諸不淨復有香熏法門菩薩得此法門者當以戒德香普周一切復有善權法門菩薩得此法門者隨形適化不見度者復有曉了法門菩薩得此法門

者分別音響而取度之復有無我法門菩薩得此法門者解知諸法空無所有復有善住法門菩薩得此法門者弘誓堅固心不動轉復有無數身法門菩薩得此法門者一一分別不限衆生復有善入法門菩薩得此法門者盡化衆生進入法律復有法自在法門菩薩得此法門者堪受正法不耻下問復有淨妙法門菩薩得此法門者遊諸佛國不懷怯弱復有無侶法門菩薩得此法門者心自樂寂不燒一切復有無量功德法門菩薩得此法門者眷屬成就得果實報復有放光明法門菩薩得此法門者遍照一切諸在闇冥復有無欺法門菩薩得此法門者具足口行不犯四過復有勸德法門菩薩得此法門者慙諸不及與不死法復有依憑法門菩薩得此法門者盡令衆生而有歸趣復有拔濟法門菩薩得此法門者增益功德心淨如空復有無際法門菩薩得此法門者不見有度得成

周

九八

就者復有等行法門菩薩得此法門者分別  
 眾智無有邊際復有平等法門菩薩得此法  
 門者不說諸道有種種乘復有一意法門菩  
 薩得此法門者不見發意有趣道者復有虛  
 空盡法門菩薩得此法門者入諸等定意不  
 分散復有然燈法門菩薩得此法門者廣演  
 一切無窮盡法復有分別法界法門菩薩得  
 此法門者一一分別法界所興復有越境界  
 法門菩薩得此法門者救護一切得至彼岸  
 復有究竟法門菩薩得此法門者不見出生  
 諸法窠窟復有淨觀法門菩薩得此法門者  
 不譏眾生見清淨法復有滿足法門菩薩得  
 此法門者不以劫數以為現遠復有出要法  
 門菩薩得此法門者行一切智不起法想復  
 有出生法門菩薩得此法門者出一切法深  
 奧之藏復有利根法門菩薩得此法門者聞  
 一趣道立不退轉復有次第法門菩薩得此  
 法門者修習諸法不失本要復有法相法門

菩薩得此法門者一一分別諸法相貌復有  
 無形相法門菩薩得此法門者一切諸法而  
 現在前復有劫數法門菩薩得此法門者執  
 勤苦行不離生死復有道行法門菩薩得此  
 法門者思惟五行觀不淨想復有深入法門  
 菩薩得此法門者深入法寶無盡之藏復有  
 化導法門菩薩得此法門者育養一切眾生  
 之類復有來往法門菩薩得此法門者周旋  
 教化心無懈怠復有成就法門菩薩得此法  
 門者道果成熟不捨五趣復有徹照法門菩  
 薩得此法門者一意入定無若干想復有無  
 量法門菩薩得此法門者所行眾法不可思  
 議復有如來神足法門菩薩得此法門者修  
 習現在無量空行復有應響法門菩薩得此  
 法門者具足眾願永除意想復有變化法門  
 菩薩得此法門者分身散形所願自由復有  
 無關滅法門菩薩得此法門者淨除眾生意  
 想所念復有通達來往法門菩薩得此法門

問一

卅九

者一一毛孔淨衆生界復有無形法門菩薩  
得此法門者教化無形法界清淨復有無礙  
法門菩薩得此法門者無量衆生離四非常  
復有苦音法門菩薩得此法門者令習苦衆  
生永離縛著復有集音法門菩薩得此法門  
者令縛著衆生永離集縛復有盡音法門菩

薩得此法門者令有盡衆生至無盡泥洹復  
有道音法門菩薩得此法門者不興六十二  
塵勞之心復有威儀法門菩薩得此法門者  
進止行來不失儀則復有真性法門菩薩得  
此法門者分別眷屬不處卑賤復有直視法  
門菩薩得此法門者分別五陰一向趣道復

有天行法門菩薩得此法門者往入天人修  
清淨本復有人行法門菩薩得此法門者入  
人道衆生誘進令度復有畜生行法門菩薩  
得此法門者隨形入化悉歸道門復有餓鬼  
法門菩薩得此法門者勸令除貪無所怖望  
復有地獄法門菩薩得此法門者現身入化

使發善心爾時慧眼菩薩即於佛前而說頌曰  
無著不可汗 不染三界有 德香淨一切  
法門無窮盡 八百六度行 世雄所宣暢  
分別衆生心 意趣各不同 無量衆德本  
權現入世俗 既布善道教 超至無爲岸  
今日大悲哀 演法無窮極 過去恒沙佛

同

三

演法亦如今 福業修五德 降伏倒地者  
色身無身報 諸佛深奧藏 無報非有報  
泥洹性自空 衆生自興念 存心報無報  
行除分別想 思惟如來業 非生非無生  
故應菩薩門 說法非有法 亦無衆生想  
樂想去苦想 生滅永已寂 福響自然應

如空無所着 一意成正覺 色報爲所在  
統王天世間 真諦不可盡 入定現非常  
終歸滅盡本 道心不在內 亦復不在外  
苦想若干念 求道盡根源 思惟百千定  
生生未始斷 係意乃折心 亂想何由生  
菩薩所行業 法門各不同 欲求無量法

當於衆生求 法法自然生 法慧無窠窟

尋生本無生 何有法源本 積智過百劫

修慧不懈怠 進成八等行 故号人中尊

有報非有報 亦無色身相 瓔珞衆智業

現身教化俗 表裏如紫金 音響極柔輒

所說不唐捐 聞者皆得度 我如螢火光

自照無益彼 佛日照大千 不知闇冥處

豈敢以朝露 增益江海潤 承佛大聖威

故說菩薩門 菩薩放慧光 永除衆生冥

拔愚惑根本 賢聖道在前

菩薩瓔珞經卷第八

三十一末

周 一

沓上唐合反下音和 剝苦爲反 剋音沮反 才呂

也壞音悅 奮迅上反 迅下反 疾也 荊反 狐音胡

測度上反 度下反 膺反 迫反 弊反 鑊反 確反

莫結反 攬反 敢反 達亮反 下反 候反 達反 鑊反 確反

曰下音對 咽音煙 鍼針反 崖音佳 咄反 骨反 謬反

反苗幼 篋反 葉反 燭反 所索反 駮反 積反

反乘也 潛昨反 鯁許反 悌望反 嬌奴反 唐反

菩薩瓔珞經卷第九 周 二

姚秦涼州沙門竺佛念譯

三道三乘品第二十九

爾時世尊告舍利弗汝等觀此慧眼菩薩得

四辯才衆智自在修心意定在大衆中演暢

菩薩諸法深奧此菩薩者又如當成等正覺

平時舍利弗白佛言世尊我等聲聞所見微

渺豈能測度大聖法典惟願世尊演布道化

使衆會者悉聞其要

爾時世尊告舍利弗諦聽諦聽善思念之吾

當與汝宣暢正要舍利弗言如是世尊佛告

舍利弗西北去此十四江河沙數彼有佛國